



國朝七名公尺牘目錄卷之六

宗方城先生

報阮督學論南事書

報範中張公書

報袁二丈

報姜使君

報何侍御

二首

報陳駕部

報徐丈



報徐二丈

報高子明

報方武庫

報成國子

報朱職方

報陳子

報孫子升

報陳使君

報顧一丈

二首

報鄉中父老

報黎惟敬

報肖甫

報張助甫

報伯倫

報李子藩

報查太常

報汪兵部

報李明府

報董學士

報周憲長

二首

報顏使君

三首

報謝山人

報泉州諸公

報陸子和

二首

報趙山人

報劉一丈

二首

報沈二丈

三首

報陸長庚

二首

報李伯章

二首

報吳峻伯

二首

報余德甫

二首

報惲按察

報李于鱗

八首

報王元美

十一首

報徐子與

十八首

報吳明卿

六首

報梁公實

目朝七名公尺牘卷之六

振錄西
請字名

東海屠 隆緯真輯

江東張文頰維光校

報阮督學論南事書

曩在長安幸從明公游意蒸蒸厚也病免歸則又視
我邸舍中既發且得共長公朝夕甚幸甚幸憲旄馳
越而山中人不得遽訊以書時見越士以邑中子弟
召授經來則往往述明公視學事以為明公兩究近
世希覲覲也僕誠私心快之會嚴博以職事赴越當

首謁明公遂托一書謝昔悰兼布鄙臆于下執事唯
明公裁察夫島夷入寇吳越殺戮焚掠數百里爲墟
今古至變謀臣策士徵兵集餉非不風馳雲湧至盛
也相持四載曾不得志于一戰乃反損軍損將重爲
島夷觀笑何故哉僕則以爲不土兵而客兵之禍也
往歲吳越守臣初上夷變主上覽書大怒下策廷臣
持議者以爲夷入如風雨飄忽吳越人懦弱不能持
戈不足恃唯調他方勁兵往勦可期而禽遂使侍御
史曹郎出選山東兵八千往授司馬司馬渡江逆兵

廣陵二千石以下朝夕供帳具散牛酒金帛勞士僅
三日糜二萬矣夫揚一郡耳自齊抵越涉三千里凡
經幾大郡則所糜何計哉既抵越一接戰輒墮夷計
中枕藉如山餘者望颺潰走當是時僕在海上見潰
卒幾千人往往從海上意氣而北不懼也是安取客
兵哉夫島夷與中原之寇異往歲師寇起河南大軍
一出輒勦已勦卽勒部散去此宜于客兵者也廼島
夷者如魚鳥之在江湖林木出沒聚散一瞬千狀其
勢難以盡勦唯來則禦之去則守之是爲至計即使

客兵盡勁可恃亦豈能常使之操戈萬里之外爲我
禦夷哉護我將軍勒千萬人日夜走萬里山谷間抵
越其所糜不知其幾矣而吳越連歲苦餉旣已竭江
南租帑不足給之且田疇罷耕者什五有司急餉苛
征徒爲夷益衆亡益也昔項羽勒吳中子弟八千渡
江長驅天下彼豈非閭閻編氓而與今吳異稟哉士
亡論強弱唯其練敵亡論衆寡唯其氣爲今計者唯
練士倡氣之策總我責之監司監司責之二千石三
千石責之邑史取戈矛嚴行伍信賞罰行之而士不

石一世無之誠得海郡士盡勁亡論今變可彌卽

時夷來亦何恐也且又亡大費越中人徃徃言夷

畏寧紹不敢闕疆蓋寧紹人各各家海上不闕則失
其居夷來輒併力持刀格夷夷輒敗去夫嘉湖寧紹
相去不數百里豈強弱頓殊哉邇者 主上忿師久

無功詔捕總戎司馬罷謫大中丞以下數人諸臣受
大托而徒擁烏合之衆以冀成功僕固內知有今也
此中傳言各道兵日益解散走護戎者懼不敢問彼
其暴露草莽久矣且腹空無積又安能留之故僕以

爲罷各道兵而日夜練吳越者甚便今楊公新拜命
且明公雖總文事慷慨戎機嘗得朝夕見胡不以此
陳說楊公之前而贊翌之僕蓄此裏長遠矣睹于近
事益忿不敢以聞楊公而爲明公一陳者知明公者
楊公之所取信故假明公以信鄙言也亦唯明公有
以教之秋氣漸搖落且旌節兵革間千萬自愛臨楮
不勝大願

報範中張公書

客冬維檝湖干則劉生芒然奉書還兼之佳梓三

種辱之時迫霜雪日夜走逐未有以復茲宜復書中
所采當時諸大貴人語意肯甚厚嗟夫僕何人哉足
下乃以爲可語則亦不敢鑰口潛布區區夫聖人未
嘗顯精文章之學而六經炳蔚萬世共嗟左馬曹劉
李杜者流相繼颺起卽難較聖文後之言文者亟稱
道之也千載榛蕪李何再闢俾海內學士大夫重覩
古昔譬則鳳麟在郊羣心快之且鳳麟之爲天下瑞
也求其耕疇而駕遠也則謝牛馬而世卒不屈鳳麟
于其下者以其文也以其文非以其用也而世之論

文者乃責其亡用于世則何以責鳳麟乎謂鳳麟之
文而亡用可也謂鳳麟之文而亡用而不及牛馬也
卽婦人孺子而咲之文選者鳳麟之迹也而鄙之以
爲不足讀是謂鳳麟之不能耕駕而鄙之者也非常
則愚李子之則古以綴文是李子之所爲天下重也
而乃謂其奔走奴僕之不暇然則述黃虞姬孔而談
仁義道德者亦將爲奔走奴僕乎甚哉諸貴人之言
之疵也諸貴人亦豈能必是物遂見棄于世乎適足
取笑而自點耳聊取足下所教我者以復足下足下

其亟釋然于鄙人之言毋爲諸貴人所惑而且以惑
人也有便再托報音

報表二丈

東去海上咫尺耳况與丈又經年別也迺不得乘月
放舸一奉顏色顧辱再遣使來佳篇枉惠把讀凄然
離緒交情轉加慙篤海內相知愛孰逾丈哉更讀諸
律詞調精工妙非言及卽使拾遺手綴何加焉所諭
東土菑瘼備見仁人君子所爲心者月借州貳移楫
湖東蓬蒿蔽空舍無遺穗父老環舟呼泣舟中者無

不人人墮涕罷酒也州貳移書于府府亦有報言及
僕力所能及豈敢有愛也使旋附謝近卜墅頗佳十
月既望翹佇仙槎摘蔬治醢細譚欵昵耳

報姜使君

侍燕彌日豁我神情輒飄然有凌雲氣視世之束纓
桔冕顛賴其形者星淵矣重使夜臨奉教增悚我公
期我于風塵之外復講人世緝文何故哉贐謝拜命
以稱君意若塗役則群公有貺命矣復受茲直將安
置之乎輒因使者反報其感受與受鈞也

報何侍御

世道日趨士節愈墮縉紳先生高冠華舄乘良刺肥
雍容雲霧坐期鼎鼐其視國家利害大計若罔聞知
不當其事者委之分有所拘卽當其事者又委之勢
有所制惟取夫不切利害之端亡關身家之策者稍
稍補綴便已赫然稱才雄視流輩矣足下獨爲國家
思千萬年長遠之圖卽又毅以身任此豈與前者同
軫並驂哉鄉讀大疏令我飛揚孤楫北來會憲旄西
雄心鬱抱披拂無遺登高作賦索楮揮毫閣中鬼

神至今颯然動色誠百年嘉勝矣展別東行夜抵夏
津形神困頓僕馭顛頓行路之難令人與嗟高卧兩
晨方得束帶正擬命筆謾理鄙語以待將命將命乃
今晨叩門至矣起奉華牘展閱數過深用慰喜次于
面侍也使去附致耿耿兼謝宿擾浮雲慘顏願言自
愛參晤尚遠西望增懷

又

野刹辱駕再挹清揚高閣停卮長空飛翰珠垂玉燦
雲流真可並峙江山永標日月而僕以竦狂羈

旅僭陪盛游深愧雕蟲凡欣附驥更辱深傾意氣大
擴鄙矇海內相知鮮見匹儔矣握別山門念車馬有
勞色恨不得以身當之邑吏西歸傳命相訊悵然問
慰又辱重使馳翰遠問寂寞啟函涉句厚念累紙握
以周環益增悚結僕別後卽取讀黃帝岐伯諸書命
老醫選方蒼頭煉木今幸次第成劑矣昨從山僧至
藏經殿盡發其所藏佛經讀之篇目浩蕩意義深邈
耳目外駭心志內灼忽悟浮生如寄真空可依形骸
爲繼聲利爲桎何時拂衣長往窺此禪關來論謂讀

檀經有悟兩心如契誠有味乎其言也數日顛理芝
石遂罷吟味無以復命有愧高旨別諭感情受教兩
不敢忘使旋謹申鄙款以致謝于下執事至於賓筵
再叨重以殺釀則來諭所謂感在言外者也僕已卜
望日戒輜北鄉深謝慰留泰岱在南遙切瞻企

報陳駕部

客冬理楫上塗曾授數語于慈人陳生代訊得無浮
沉不塵坳一接江湖驟遠每憶故人捫蘿停扈之興
輒悵然動色使來錫故則用歡喜四千里授粲直當

珠視豈恒貺也山中成習一馳馬挾刺便自生悔
公比藁館于壺嶠僕心甚矣進使者問起居亡恙東
帶俯仰自是人世恒跡不足爲公苦顧公之才詘非
體也使回緘謝冗極草草江天寥闊南望軫情

報徐丈

還廬累歲數承顏色高樓賜讌款洽中宵別時復以
酒食相召長者之愛僕何慙也鼓泄長淮便隔千里
言念高誼渺若河山一行作吏百苦相攻遠憶青門
行吟軫慨鄉公語我以年少功名不可坐擲用是備

然乃今轉覺巖棲獨勝耳。伴歸寸莛，代謝春氣將落。嚇暑乘之強殮，自愛遠人增慰。

報徐二丈

山中數辱問舟一酌一味，江山共遠，非鄙心顓蓄也。賓筵再侍錫以華章，每誦明月百花之句，遙情非越。登輶北鄉，便涉冬春一行，作吏舊抱頓遠，我公凝真。掇采山峙淵停，出而躍馬乘纓，自不塵緇其素莽莽。如僕者，去住俱荒矣。歲序殷流，計偕甚迫，懸心夙義，切于饑渴。尺牘布謝詞，不宣展楚天長望，不任翹挹。

報高子明

剡江干頻得故人來，訊雨中連榻花下飛觴進。艇長波散髮弄月紫簫玉笛颯起中流，白露可殮天河。在袖此人間至勝，而僕得與故人共之。屢侍賓筵，大擾侍子臨別夜，召酣洽萬端。至於遠別，淮陰踟躕中路江之末矣。不可方思，故人之情曷有窮已。渡淮而北，忽接飛翰，一慰舟中。稍燕輒取十二絕，倚席歌之。翩翩乎若乘浮雲而上，征袍明月以遠遊。擬采古昔，蓋唐太白者流也。王子有語躑躅不敢前，一出萬象。

驚其語殆足下者一抵薊門便折腰從吏然時從王
生尋深松茂林而樂之恍對百花春色四顧同
焉千里輒自傷念足下時過洲前懷人望遠爲
何幸爲我寄謝薜蘿當不久相負也足下抱朱
文懷白雪之才自當高翔寥宇以快天下浦上
不得久弄矣俾歸口授代謝故國春深江山懸
化有使莫靳報音

方武庫

言既已奉訊言北鄉矣則又以爲公之念我

報公踈也無乃閉者嗔不內乎然僕非敢
安中書蓋自昔難之矣恃公諒我不然者僕
公爲郎久胡不調以公之不調知僕之折腰
時也幸計吏萬一罷去爲快卽不罷亦上書自
他日五岳志成公其就我百花洲上讀之昨具
之儀起居尊公長者夏官大夫之題俟僕登龍

言

報成國子

抱病湖上辱公過情不但頻涉把盃論欵動及寸心

別時顧愛愈至令人增悚我公高簡絕俗乃獨累意
于僕者豈亦有取于僕乎此僕所爲撫心長歎也展
別北馳雨雪滿道抵燕春色矣一行作吏便與案牘
爲侶薜蘿之念屢動屢嗟高卧石湖者其將移文讓
我乎謹遣一介持尺牘馳謝湖上春深萬象爭媚行
今有什努力相聞

報朱職方

滅幸得一奉顏色歸卧蓬蒿中遂與世事頓遠旌
采南北至不能馳一介徃省罪矣罪矣客冬重

覲龍門大兄以筐篚辱之咫尺江山翹佇增悵使來
錫命悚灼亡已再拜啟函遠情雲縉繫之華幣義溢
解衣統之寸心如結矣僕常謂我明英人鴻筆日燦
霞芬而吾揚獨寥寥百載幸令先公虎視何李之間
而我翁復大擴之佳什名箋照耀古今耳目豈唯江
山借色而分華割榮僕之得公者更數也公之南徙
時論靡不誦之顧澄江憶謝鳳臺思李奇思綺語今
古並發豈至落落莫哉僕至不才乃妄有意于作述之
塗時唯稽度瑤篇以當私淑敬上粗箋十幅敢祈惠

書一二遙寄僕當懸之上座朝夕整容環讀而取執
焉拙言一帙求正門下
所云以瓦博珠也公其
能慨然許我乎幸甚書甚使歸謹裁寸楮代謝嚇暑
虐人強餐自愛皇悚皇悚

報陳子

山中時時辱訊兼之遠道爲別此於情厚矣厚矣一
分袂便涉寒暑邇來道念如何精于其一而不以他
岐勞之勢利之勞道也猶穀之莠此尤其亟屏者
僕之再涉塵途宿心銷鑠矣何足言此姑爲知己
訊之便羽布悰諒其區區

報孫子升

鄉者卧病湖干故人念我兩進艇而辱訊之握手坐
芙蓉館中停卮譚昔便宛然如執經侍遊時也一行
作吏便日與案牘爲伍已逾寒暑且不得間裁一書
南謝故人卽故人不責僕僕之饑渴何解焉邵生來
乃儼然持華牘貽之僕驚起握讀厚念盈楮旣歡然
喜已黯然內銷也蓋離別誠難矣足下負異才久詘
蓬蒿中大抱英雄之恨決意天人無逾茲秋者獨把

桂枝飄飄天路恨不令僕見之乃投竿秉樞釋蘿襲
紱又僕于足下內卜無疑也邵生趨歸急屬微痾遂
猝裁往報竚承消息心目共南僕已爲足下覓長安
酒樓買胡奴勒馬俟矣

又

邵君罷棘校則召笈去已函尺書足采往報其尊君
既在蕪城中當不致浮沉也有司上北畿賢書則邵
君已炳炳高列卽其徒則師何疑焉日夜望佳音心
目已斷恨不併日首見足下名爲足下頓足起舞浮

白稱快也舍弟倘幸執鞭斯稱世好矣人歸附致耿
耿昨者鄉國故人遺我數醅甚佳未敢開也謹命侍
胥藏之以待足下其早整北轅慰我饑渴

報陳使君

日策馬逐郡吏走不得一間具牘往訊誠恨之矣乃
公不棄惠然函書粲而遺之僕則何堪焉邑長老時
時治書來則皆睹今追昔恨不得再挹我公顏色而
控馬訴之髭白一詞也邑困甚矣稍稍得保其父母
妻子而河伯又以一水魚鱉之天平天平我公其將

謂何姑孰之聲藉甚他日去之則此地於公又何異
興也以僕覩于當世之從事斯民者如公難矣難矣
寸心久結輒因使者布其區區高秋搖落行矣自愛
報顧一丈

日遲南音心目幾絕是月旣望齋居省中從諸省郎
夜集吏報南音至矣輒命吏啟鑰出徑趨徐學士家
取鄉書來衆檢之一檢便見公名則抱書大叫頓首
撫掌幾不能持衆詰其狀則且言我公負高才屈蓬
萊中幾三十年而一朝信之且言公之于我骨肉父

也則其心如身當之矣是夜又命吏啟鑰出報李太
史孫光祿二公披衣驚喜明日會于朝相與大笑誠
快之也誠快之也屬有便羽南歸草布一言以賀其
人孤騎不能有所將更數日有舟者歸更圖之

又

垂髫侍誨誼並金石長安繫馬芳草醉人握手胡床
白引滿便宛然如從公武陵遊也自公挈毡而南
使數月惘惘昨奉手書大用懽慰我公負金馬才
屈之此且得與群豪共研大業出而眺中嶽俯大

河悲伊洛之長往慨北邙之多亡則寄之雄詞以志
偉勝斯司馬之壯遊而古今之極盛也我公何戚焉
鄙人縻祿恒抱忤時之慨故人知我何以爲教梁明
府將南鄙人親詣其家備述我公德業刺刺不休知
此公不負斯語矣茲因便寸楮申臆情長詞簡臨風
軫念

報鄉中父老

家大人憑情諸父老之寵靈而以並耆稱則旣以受
貶矣乃長者不棄其舊而又儼然辱之以言登之楹

宇星辰並麗也則豈惟家大人賴之其自臣以下皆
拜長者之賜舍弟以報書來乃在歲之十月而臣是
時方陪諸大夫末議計吏省中嚴不得接家人語今
年春二月休沐歸邸始得把書始悉長者所爲錫言
於家大人狀也則命侍子焚香南鄉再拜而謝之乃
遣一介以申于下執事其不能上壽長者之前以效
其區區亦惟長者諒焉

報黎惟敬

鄙人之聞足下于二三子心甚也一見足下蘭若便

令灑然再醉二三子邸中則一日千載矣我二三兄弟一朝舍我而去之則又不能留足下是天之欲廢吾手足耳目也又何言哉又何言哉方足下東時鄙人憤憤伏枕遂不能有以效芻秣二君並舟而南衙盃嘯謔大是樂事昨已誠舍弟遲三君湖上倘不過我洲前大醉者恐桃花流水相與咲之草草布棕願言自愛君歸羅浮其伐木結廬以待鄙人鄙人將携足下拾芙蓉以觀滄海耳

報肖甫

為二三子游足下至驩也足下而去實勞我心春

王徐各使吳且罷為從事以南長安中途不能出片語矣憶足下登武夷羅浮南窺大海弔梁生之廬而綴其遺文以歸時時快之不意足下乃奉尊君諱返蜀也則吾數人者釣窮途矣足下讀禮之暇上綜千古采其英華時復濯錦江之波登巫峽之巔揖杜甫草堂而俯仰焉則與二三子飲燕市中何殊也王生近遷齊憲視戎事徐卿留滯江南而明卿雖謫乃能日抱白鹿卧獨使僕偃蹇時氛鬱鬱亡賴行將拂

衣長往南游吳楚西窺巴蜀訪足下之廬爲十日之
飲足下其飾危而待焉使者歸因授一言以報道遠
情長臨楮軫結

報張助庸

鄉者從二三子游以爲大快矣不謂又得足下山陵
數語便足千古握手以來胡霜朔雪青山白雲日日
候吾几席一呼不至輒怒目而叱咤之俾之亂趨倒
走蓋自風人以來上下數千年所未覩紀者今日之
別蓋造化忌之矣武夷之命下雖不得足下日談之

知足下日日念我也紫荆握別遂隔河山言念懽悰
徒有悲歎鄙人紫霞念切紅塵計踈歸請家君倘遂
五岳之志則武夷天台之上有丹竈在焉朝握黃庭
暮餐綠雪足下能早遂初服則僕將遣白龍而候之
浮世紛華已盡耳目即使白頭于此亦何佳况草木
同腐壯士耻之故人知我當不訝其言之迂也吏歸
尺楮往報不盡區區世路風塵強飯自愛時惠德音
以慰長想臨楮不任馳情

報伯倫

僕海上之鄙夫也足下忘其鄙而俯意交之其所與朝夕者卽手足亡殊矣外逐之人無所比數足下且儼然有骨肉之憂乃又自忘其憂而厯念鄙人者至數也匹馬臨岐花前斗酒語泪交下茫茫宇宙寧復幾人哉含惻東馳寸心萬折回首薊門雲霄漸遠是夜就枕猶與二三君子把酒徘徊覺而悲之忽奉手教握讀沾巾愈不能堪矣逐臣遷客何無之且人之有所中于鄙人者其人必與鄙人殊也足下置之尊君擅采藝林標名千古僕何能贊詞願所承命于

足下者不敢忘也倘得附名大賢之末以垂不朽則鄙人亦何幸焉屢辱解衣缺然未報佳紵遠惠併及荆陋通家之愛何以堪之使旋尺楮布謝不盡下悰前途再爲緘報臨楮於邑

報李子藩

暮春握別便迫歲殘日月如馳良可軫慨秋杪渡江訪華陽登采石望謝眺之青山睇嚴陵之釣臺旣而入延平眺武夷則諸高人之遺跡在焉便欲掃石餐霞闢茅結宇長住白雲畢此玄業北望同心渺在萬

里滿目江山祇生嘆恨小吏回足下幸然以華牘珍
貺辱遺之開函涉句黯然心折且備聞陳情之舉豈
以山公雅度亦慕中散哉足下跡繫纓冕心在烟霞
不特僕知之卽天下之人信之矣茲請未遂豈羅浮
武夷之間猶有宿業未洗也載披名篇章章驚嘆腥
膾烏烏痛哉言乎嗚夷魯連之懷彼此同之矣感興
三章寄心高遠末章古健詞不渝心歌律諸什則並
雲流霞布至所謂冥心卧崑丘寂照觀無始誠有悚
乎其言也所幸者大人見諒若不以纓冕束其子亦

間卽欲掛冠近則華陽遠則鴈蕩雖不能著書立言
歲之名山以待後世至於枕席白雲歌淮南之桂叢
佩湘江之蘭蕙則猶愈於逐逐折腰向人而不知止
者也知足下之蓄此念久矣寥廓之期幸毋相負道
遠緒長臨風悵結有便時惠德音

報查太常

僕之南也卽去我公萬里且寒暑兩易人矣顧公愛
之著於鄙心猶一日也日對唐公卽對我公而公之
書來輒目召而竊觀之未嘗不齒我而骨肉我也則

公之於僕乃亦不一日忘哉僕自入閩日困戎事櫛
蓐關山餐沐風霧蓋未浹旬休衙也以此耳目手足
靡不被病髮亦稍稍短矣偃蹇不自得輒欲裂纓走
公何惜片語而不使麋鹿之性得望豐草而嬉乎昨
讀越書知令姪高列因嘆公家之德澤長也二公子
試燕闈當更得意恨不得燕書讀之徐使君往致區
區北望軫結

報汪兵部

別而南再授衣矣北睇金莖白雲芒芒念諸故人並

馬鳴珂聯席抽藻何啻壺嶠也萬里之外日覩戎戟
櫛沐關山兼之風露漸成病子矣子與入燕群公聚
首故人亦有遐心乎草草附訊道遙緒長臨風悵惘

報李明府

臣束髮學語時則嘆公之於家君何驩也雖未得執
經几杖亦辱庭教之矣公雖去敝邑日遠顧其遺教
猶炳炳在目也則臣之幸竊章服非公遺哉人事參
差缺然訊問客秋道左又未獲展覲龍門公不棄乃
以遠書辱貺辱之故函拜命意沾沾喜也已而把讀

迴環撫然興念公今白髮僕亦壯夫三十年間宛然
陳迹矣因與叔氏道舊談往俯仰長嘆公起居勝矣
卽又有諸公子奮翼青雲豈不愉快得意哉僕偃蹇
乖時不卽引去耻爲公談之他日卜築西湖幸有公
作主當不大落莫也家祖家叔薄遊名邦朝夕於公
者至深矣叔歸附此具謝無布積悃會有遠役詞不
宣心

報董學士

一別載離寒暑雖天上金莖高遠寥廓鄙陋之心則

固日依依焉蓋唯知公之念我不自知其分之卑也
張使至我公不棄辱以緘書文采巨麗厚念盈楮三
復長嗟蘇蘇隕涕夫薛高諸子所爲偃蹇流落卒成
其名者以其才也無其才而有其累世莫不笑之而
公何取焉公又以漢時諸公莫不外歷藩郡其意若
以喻臣者蓋令人悚悚愧心也然而公之委曲念我
至矣至矣苟被齒髮何能一日忘我公哉公以命世
之才受知 聖主寵綸日新繁錫雲縟天下之士莫
不快之辟則鳳翔于郊而百鳥振羽各欣其類也然

則臣輩偃蹇流落而得幸覲詞林之盛歌頌鼓舞亦足以自樂矣唯公終念之

報周憲長

八朔奉陪末議明公拆節而心交之持盃灑翰動則顧我令鄙人顛倒如醉若涉殊庭從安期先生啖棗遊也豈不甚幸甚幸哉荷庭笑別蓋心旌摇摇與公共翔燕薊之墟矣從諸公時誦春闈王伯之句未嘗不拊掌大噱如公在筵也知公已謁帝歸鄞日遲音告乃百粵掌憲之訊至矣羅浮先生日夜望公至

豈知武夷使者乃大怨別也異日者公持大中丞節來督八閩戎事鄙人蒲伏轅門公毋恐我哉敝司有不腆之將敢附一言以賀唯公有教言

又

別後凡三拜華牘則黯然悵情哉春中事辟之驚颺迅發而江山草木靡不改色者及其定也則江者自江山者自山草者自草木者自木颺不得終持之矣公之遭之亦公之未定之天也及其定也公者自公文章政事峻節雅度誰得而終揜之也公之擢粵也

胥江公命僕言綉錯而函之自歲暮淹留至今矣蓋
以我故公其諒焉叔言文思當亦駿發恨道遠不得
讀而快之公當何日出山所馳情於左右者如饑如
渴也唯惠然有教言

報顏使君

夜月聯舟秋雲登閣寸心獨結片語相雕金石有銷
此誼難泯矣足下可氣踈節鄙人何幸得以挹其光
采而欣艷之而足下視我又骨肉而加焉則何報哉
則何報哉玉華一別冒暑西馳古驛夜蛩孤笳兼發

四顧寂寞誰與爲歡是時足下已捨舟劍江之濱飲
馬金陵之渚矣奈之何其亡妬也今已幸過清流群
酋頗戢再五日抵汀月朔還轅矣屯署竹空可無斗
酒待我乎鄙言寄臆無忘德音

又

別公一月矣在閩中日會徐使君則未嘗不日日足
下高誼至竟其酒也心搖搖嘗依劍津之上卽廣陵
明月反踈之矣此其故何哉督臺還轅而足下尚未
議事則九日烏石之會可破積悃昨出于足耳目俱

紛紛矣燈下扶困具數言惟公諒之

又

春中凡辱書委我尊公志豈以僕亦能不辱命哉四月奉部檄視事臬臺時夷大舉入寇集省城者萬人又屯掠六十日始去數百里白骨山起林廬一空父老泣曰自有閩以來無若茲慘者僕守西陲乃賊卽日日攻西陲僕遣精銳數千走之奪得巨蠔二隻五采爛然絕可作觥他日五湖當與足下大醉此君一咲耳足下教言教諸生古語諸生遇害者五六十人

其為虜未歸卽歸而折支敗面者又累累也此自僕命哉卧陴上與賊終始昨方解戎衣沐正理前草使者復至不敢辱命謹下帷三日勒成鄙言一采足下實錄唯少年數十金亭長四十斤鐵椎僕削馬夫尊公儒者也卽有之亦少年事不足重公况直書朱亥郭解語槩公生平也二子自奇顧與公無當政如左馬李杜並佳然不可以左卽杜也足下以為如何

報謝山人

一別八年矣人生幾何堪此睽隔每與二三子持盃

對月未嘗不念我公卽公高居獨吟當亦不能忘情
二三子也于鱗又耕明卿再謫子與元美並遭家難
而元美且病免歸矣獨僕以五斗不卽去然念念漁
樵恨不且暮往也近家君卜築金陵之墟將遂家焉
公能渡江而南而僕因解紱從公闕天台眺鴈蕩下
西湖登虎丘西睇匡廬南浮瀟湘以盡平生之所卧
游而未覩者何如哉公旣老僕之髮亦稍稍短矣嘉
時不再唯公圖之槐亭李公與公有傾蓋之雅謹附
尺牘代訊懷公之情一見之詞惟公一一爲我酬焉

延佇瑤華以慰饑渴北望無任軫情

報泉州諸公

服役名藩易歲矣咫尺光華未遂展覲諸公不棄辱
之以言三復高旨祇有悚灼鄙人束髮時則竊誦遵
巖公之名心鄉之矣乃又幸從東臺公游私心固時
時急也况聞至教敢不思竭其愚卽愚不效亦其之
矣兩公南謹具一言以復惟諸公諒察

報陸子和

鄙人初過里也足下海樓旣歸始得時時奉顏色洲

前蘿薜頻辱停舟，遵渚長吟，弄化曼嘯，擁衾中夜，倚
醉雄談，斟酌千載，悚怵萬象矣。世網相牽，忽焉展別，
故人不忍別我，我草堂出醕肴而飲食之，意黯然
相照也。復遺石粲篚品，長途朝膳，皆需之矣。客舟寒
月時從，笥中出所函佳序，讀之一讀一嘆，才峰峻整，
霞布雲流，所談左馬李杜，俱鄙人蓄蓄之意，而難于詞
者得足下數語，今可投筆矣。春抵薊門，便爲世事所
迫，據案治牘，長辭素懷，思托寸楮，展書輒廢。揚陳君
至，則拜遠書于庭，大喜，開函啟讀。若參待復繫之。

儀悚矣。足下采絕調，卓立群倫，會時龍變，當以文
章主盟。區宇青紫，浮榮僅高人之緒，非鄙人內所相
急也。鄙人卽日坐塵埃中，寄心特遠，時與王吳二子
握坐深語，共策不刊外是者，迹與之游，心去之矣。奇
人偉夫，宇宙寥寥，言念同心，渺然東海，去住不愜，關
山增怨，俾歸口授代謝詞，簡緒多。江國春深，強飯自
愛。

又

暮春題尺疏，遣奴歸謝亡何子，培書來則報太夫人。

沒江南足下已匍匐往江南治喪歸也是日爲足下
頓足起仰天長歎潛然泣數行下夫足下負才久訑
時人翕奮以快一戰而又以太夫人之故奪之且太
夫人三十年勤苦以成子才中道棄去又令尊君日
坐邸舍中咄咄悲也僕誠私心痛之僕又聞古之聖
人慮賢者過情嚴防之曰毀不滅性是下束髮讀禮
豈無覩于此言且足下一身亡論繫關至重卽太夫
人所不瞑于地下者猶日夜急也足下其善自愛足
下儼然衰經而廬悲悽之燕時召二三子

千古經緯群藻勒一家之言藏之名山傳之同好則
所報太夫人者固遠也古之斷機截髮者豈必以簪
紱期子哉况簪紱又足下有也沈訓術歸僭布一言
以效區區緒長詞簡臨風悵結

報趙山人

公老矣猶能時時過我溪上採蓮賦詩此非恒遊並
感也歲暮別公公不忍別我乃又冒霜雪而馳之淮
淮波浩蕩比之公情淺小矣倉卒分袂一殮未留念
公遠涉心旌共往春來起居何似倚杖行吟麓中詩

草當與靡蕪共深也佳稿在僕卽爲公精之公可亡
慮奴歸寄此區區

報劉一丈

還里累暮幸從長者朝夕長者愛我不殊束髮授經
時也洲上擄尊嘯歌中夜自謂長往薜蘿永奉杖屨
不意世網未捐倉皇告別又辱長者飭饌命我贈序
長歌琅然金玉當分斯貺干中洲
之孤楫渡淮霜雪被道馳驅問舍
世氛眠歿失度群吏執牘一瞬
矣一接
游茫然

悵結違來忽已春暮鄉園愁色何如一念相懸日夕
千里長者何以策之俾歸寸牘代謝塵塗易泊初抱
難舒不靳誨言振我蒙感至願至願

又

數千里外得長者時賜一書以慰長想卽亦甚幸矣
何至更辱饋遺則不才益將何以報焉書中情意甚
殷卽長者之不忘老父知老父之念長者深也至於
上下相孚才德稱位語不才則不才有深感夫才
德不稱固自知之矣至於不孚之病則尤不才爲甚

且今世之所謂孚者何哉日夕策馬候權者之門門者故不入則甘言媚詞作婦人狀袖金以私之卽門者持刺入而主者又不卽出見立廐中僕馬之間惡氣襲衣袖卽饑毒熱不可忍不去也抵暮則前所受贈金者出報客曰相公倦謝客矣客請明日來卽明日又不敢不來夜披衣坐聞雞鳴卽起盥櫛走馬抵門門者怒曰爲誰則曰昨日之客來則又怒曰何客之勤也豈有相公此時出見客乎客心耻之強忍而與言曰亡奈何矣姑容我入門者又得金則

起而入之又立向所立廐中幸主者出南面召見則驚走匍匐階下主者曰進則再拜故遲不起起則上所上壽金主者故不受則固請主者故固不受則又固請然後命吏內之則又再拜又故遲不起起則五六揖始出出揖門者曰官人幸顧我他日來幸亡阻我也門者荅揖大喜奔出馬上遇所交識卽揚鞭語曰適自相公家來相公厚我厚我且虛言狀卽所交識亦心畏相公厚之矣相公又稍稍語人曰某也賢某也賢聞者亦心計交贊之此世所謂上下相孚也

長者謂僕能之乎前所謂權門者自歲伏臘一刺之外卽經年不往也間道經其門則亦掩耳閉目躍馬疾走過之若有所追逐者斯則僕之褊哉以此常不見悅于長吏僕則愈益不顧也每大言曰人生有命彼將奈我何矣長者聞此得無厭其爲迂乎鄉園多故不能不動客子之愁至於長者之抱才而困則又令我愴然有感天之與先生者甚厚亡論長者不欲輕棄之卽天意亦不欲長者之輕棄之也幸寧心哉

報沈二丈

